

VI. ANUNCIOS**A) ADMINISTRACIÓN AUTONÓMICA****CONSELLERÍA DE ECONOMÍA E INDUSTRIA**

RESOLUCIÓN do 16 de xuño de 2026, do Departamento Territorial de Ourense, pola que se conceden as autorizacións administrativas previa e de construción de instalacións eléctricas no concello de Ourense (expediente IN407A 2026/037-3).

Visto o expediente para o outorgamento das autorizacións administrativas previa e de construción da instalación eléctrica que se describe a seguir, tal e como se recollen no proxecto asinado o 5.6.2026 polo graduado en enxeñaría eléctrica Francisco Javier Taberner Sanchís, colexiado núm. 8654 do Colexio de Enxeñeiros Técnicos Industriais e de Grao de Valencia.

Solicitante: Equipo Vestel Ingenieros, S.L.; CIF: B97515605.

Enderezo: Ronda Auguste y Louis Lumière, 46980, Paterna, Valencia.

Denominación: Nova liña soterrada de alta tensión a 20 kV e centro de seccionamento de compañía en edificio prefabricado de superficie, de manobra exterior e telemandado.

Situación: rúa Fonsillón, 61, concello de Ourense.

Orzamento: 54.836,86 €.

Características técnicas:

LMTS, a 20 kV, de 369 m de lonxitude, en condutor RHZ1-2OL 12/20 kV 3×(1×240) mm², con orixe nos empalmes que se realizarán na rede existente denominada BBA810, nas coordenadas do proxecto (X: 592.994; Y: 4.686.093) e final no CT existente con matrícula 32CHR3, nas coordenadas do proxecto (X: 592.991; Y: 4.686.089) logo de realizar entrada e saída no centro de seccionamento proxectado.

Novo centro de seccionamento en caseta prefabricada, equipado con tres celas de liña e unha cela de SSAA.

Cumpridos os trámites ordenados na Lei 24/2013, do 26 de decembro, do sector eléctrico, e no capítulo II, título VII, do Real decreto 1955/2000, do 1 de decembro, polo

CVE-DOG: qujwsrm3-f38-x7m1-ubu9-1klnrjad4gh7



que se regulan as actividades de transporte, distribución, comercialización, subministración e procedementos de autorización de instalacións de enerxía eléctrica, e na Resolución da Consellería de Economía e Industria, do 19 de febreiro de 2014, pola que se aproba o procedemento de autorización administrativa de construción (DOG núm. 54, do 19 de marzo), así como na Lei 9/2021, do 25 de febreiro, de simplificación administrativa e de apoio á reactivación económica de Galicia (DOG núm. 39, do 26 de febreiro), este departamento territorial

RESOLVE:

Conceder as autorizacións administrativas previa e de construción ás devanditas instalacións, cuxas características se axustarán en todas as súas partes ás que figuran no proxecto de execución e ás condicións técnicas e de seguridade establecidas nos regulamentos de aplicación, e nos condicionados establecidos polos ministerios, organismos ou corporacións que constan no expediente.

Esta autorización outórgase sen prexuízo das concesións e autorizacións que sexan necesarias, de acordo con outras disposicións que resulten de aplicación e en especial as relativas á ordenación do territorio e ao ambiente.

O prazo de posta en marcha das instalacións que se autorizan será de seis meses, contado a partir da data da última autorización administrativa necesaria para a súa execución.

Contra a presente resolución, que non é definitiva na vía administrativa, cabe interpor recurso de alzada ante a conselleira de Economía e Industria no prazo dun mes, contado a partir do día seguinte ao da notificación ou publicación desta resolución, conforme o establecido no artigo 122 da Lei 39/2015, do 1 de outubro, do procedemento administrativo común das administracións públicas, sen prexuízo de que as persoas interesadas poidan interpoñer calquera outro recurso que consideren pertinente.

Ourense, 16 de xuño de 2026

Alicia María López Míguez
Directora territorial de Ourense

CVE-DOG: qujwsrm3-f38-x7m1-ubu9-1knriad4gh7

